

笙

月

詞





詞 月 笙

著 壽 詒 王

叢書集成初編

(補印本)

笙 月 詞

一九三七年六月初版  
一九五九年十月補印

王 詒 壽 著

商務印書館出版

上海大眾文化印刷廠印刷

# 笙月詞序

時則顯兮澁鮮。涼波蕩瀟。明月千里。倡婦樓頭。離笛三秋。西風江上。王子於是悅縹渺之魂。發徘徊之曲。美人獨立。參差誰思。鶴骨不肥。如禽子晉。銀河無景。疇箋玉谿。水調百篇。笙月一卷。抑何玲瓏其聲。激昂善變。與夫采詩入樂。無詔伶人。案譜填詞。豈云小技。子夜讀曲之變。勞人思婦之遺。致兼情文。雅備比興。世有作者。前無古人。庶尙友夫風騷。乃吐音於令慢。溺志閨幃之內。應求尊俎之間。刻畫微物。以夸多。雕琢曼辭。以悅。闕達大雅。蓋無取焉。王子之詞。儲體於絜。結想斯遠。文外獨絕。予懷信芳。可謂古瑟未拌。洞簫作謚者也。僕攤鼻洛下之吟。隱几玉臺之集。深情祇有一往。抽豪不知誰屬。竊託同調。敢曰知音。隴首雲飛。洞庭葉下。秋心杳然。秋士悲矣。壬申九月杭

州譚獻撰。

笙月詞

序

笙月詞卷之一

山陰王詒壽眉叔

菩薩蠻

繡囊香鎖鈿文笛。鞦韆鬟卸了。鴛釵碧。銀燭海紅紗。寒幃人似花。梨  
渦縈淺笑。翠被薰蘭早。譙鼓又三更。透簾斜月明。  
玉箏逗麝羅屏迴。隔窗嬌鳥呼人醒。鬆髻翠盤鴉。綠檀橫墮花。倚  
人香玉軟。日影銀紗半。春困尙朦朧。暈波雙縷紅。  
碧簫吹絮絲風悄。龍文玉掌梳妝巧。雙影照菱花。素雲生淺霞。妝  
成添鳳餅。麝煖房櫳靜。繡樣畫芙蓉。倩郎調粉紅。  
迷藏懶逐檀奴戲。研綾小譜紅牙理。人倚杏花樓。珠簾半上鉤。雲  
藍雙袖小。猶怯春寒峭。殘炤柳棉飛。銜香燕子歸。

法曲獻仙音

秋日偕孫鏡泉寶森丈。至興教院禪喜竟日。有懷詩僧屯香

宏與上人。

徑款濃青。門縈淨碧。清絕白雲僧院。窺竹簾疏。韻花磬小。禪房最宜  
秋淺。正烟裊迴廊外。冰甌潑涼苑。閒吟徧貝。多牋綠梅詩卷。屯香山書梅花  
魚。好趁取菱肥葑軟。待鐘聲相送十里蟾光湖面。

虞美人

石門夜泊

阻風中酒心情惡。往事思量著。琵琶聲斷小樓空。只有三更街鼓五  
更鐘。溫香吟徧消魂句。誰作天涯侶。起來無語倚蓬窗。月墮幾層  
烟水白茫茫。

峭帆風裏眠難穩。紅點孤燈影。不知今夜夢如何。偏是春來夜短醒時多。打篷幾陣瀟瀟雨。抵死將愁絮。羅衾假借枕函單。又是柁樓人語說輕寒。

菩薩蠻

寶帶橋作

烟波小舫平于屋。畫衫掩冉鸚哥綠。壓鬢一枝斜。櫻桃雙朵花。紅橋迷柳絮。瞥向花深去。著眼未分明。空聞笑語聲。

臺城路

泊陽羨有懷陳迦陵

惹花風軟吳波小。來尋柳邊城邑。絮撲虹橋。苔鋪蝶路。簌簌落紅誰惜。綠陰似織。問燕子誰家。尋仙舊宅。一角高樓。夕陽曾倚紫雲笛。江邊鳥聲喚徹。喚詞魂不醒。江影空碧。我亦能狂。公平何處。踏徧春



烟雙展。青帘林隙。且泥飲梨花。醉眠壚側。細雨飛來。袖痕和酒溼。

摸魚子

鳩茲送錫疇家叔旋里

悵江頭斜陽如夢。烟痕釀就深暝。輕裝出沒垂楊外。飛絮共人無定。  
雲樹迴。又添得銷魂。別淚征衫瑩。一帆遠影。想此去鄉關。鏡湖春水。  
鷗鷺訝歸艇。還重省。料得房櫳宵靜。天涯定憶孤另。白頭慈母憑  
相慰。爲道行人安穩。關心聽。聽隔岸鶉啼。春已荼蘼近。明朝酒醒。怕  
旅館風寒。江南江北。花落雨聲緊。

金縷曲

臯磯靈澤夫人祠

野廟烟痕泣。悵年年蒼苔玉座。魚龍拜舞。十萬明珠飛急浪。步障分  
明深護。應記得劉郎前度。歌吹江東花月夜。壓銀燈寶劍秋霜吐。三

分業。那堪數。同歸辛苦江關路。更無端。吳雲蜀雨。一般笳鼓。兒女英雄何限恨。千古濤聲猶怒。看隱約。靈旂飛渡。霧鬢風鬟誰是伴。只小姑山影橫眉嫵。天慘澹。落霞暮。

鷓鴣天

自鳩江至宛陵二百里。水木明瑟。墟落清曠。寫以二解。

一路輕烟護短帆。幾叢疏樹點溪灣。斜陽渲出羅羅水。細雨妝成翦翦山。雲意懶。櫓聲閒。柁樓鷗語送微寒。水荇花瘦秋難靜。風起蜻蜒墮釣竿。

溪畔誰驚白鷺羣。野翁支杖看溪雲。十家秋柳成村落。五尺殘荷掩寺門。茅屋外。稻畦分。田孃漁婦盡紅裙。花梢一角書樓小。散髻兒童讀魯論。

水調歌頭

八月十四夜。登太白樓。月色萬里。振衣欲仙。叩闌浩歌。山水俱應。

萬里碧空淨。舉酒倚危樓。樓中謫仙已去。古月影長留。我欲手持綠玉。直上廣寒宮殿。笑酌紫霞甌。爛醉捉寒兔。騎作玉花虬。天風起。羣真集。鶴翎脩。乘雲何處汗漫。五岳縱清游。安得凌風躡臂。一夜鏡湖飛渡。照見鬢毛秋。拍手唱天姥。怒鐵叫龍湫。

清平樂

爲張別駕題畫冊

玉階苔繡。燕啄雙紅豆。架上銀鸚春也瘦。還認烏巾否。曲瓊影閃胭脂。可憐香細于絲。小雨無人庭院。櫻桃過了花時。

疏影

出宣州北門。水石蕭瑟。問梅堯臣故墅無知者。晚歸登謝元

暉北樓。倚檻乘興。發此清響。

林迴徑復。趁碧天雨霽。野色新沐。粳稻香中。吠蛤聲聲。筍蕨踏徧。烟  
綠。水西何處詩人宅。但滿目疏花涼榭。更斜陽雁背。馱來紅寫幾家  
秋屋。獨自行吟歸也。孤雲帶粉蝶。斜傍山曲。卻被天風。吹上危樓  
調徹。腰間橫玉。餘霞如綺。江如練。悵五字新詩誰續。遠暮笳飛滿江  
天。燈火依微林麓。

念奴嬌

鳩茲江樓遠眺

臨風倚劍。嗟悲吟。驚起魚龍酣睡。放眼乾坤多少恨。消得尊前一醉。  
莽莽頽雲。滔滔怒浪。不盡英雄淚。江山如此。伯符志業難遂。遙想  
邊徼妖氛。征西羽檄。大合貔貅隊。落日黃沙鏖戰地。白骨又添新鬼。  
時粵賊滋事。官軍屢戰不利。萬里提戈。千金買馬。擬刷焉支壘。憑闌搔首。一行秋雁飛

墜。

前調

送張明府之官溧水。是宋周美成作令地。署中姑射亭遺址尚存。片玉所載隔蒲蓮諸闕。作令時所譜也。

臨流笳蓋向蔣山。山外斜陽欲發。舊是風流爲政地。何限水迴峯疊。姑射亭荒。浦蓮聲斷。雲影浮空碧。詞仙何處。落花風起如雪。惆悵六百年來。清真雅調。己是成消歇。君去江城剛柳暗。細雨啼鴉時節。衙鼓宵閒。訟堂春靜。笛語紅兒覓。一聲清唱。吟魂飛下涼月。

菩薩蠻

曲瓊波影愁千疊。無情征雁催人別。殘炤柳絲低。船停花步西。歸期還預約。玉筍垂紅頰。門外是江流。吳山幾點秋。

錦書緘碧迴鸞紙。相思訴盡珍珠字。紅淚粉渦痕。難將寄與君。書

完蓮漏咽。小顆燈花結。花月鎖鴛鴦。今宵好夢長。  
玉璫乍到天涯信。塞鴻報道歸來近。臨發又遲回。知他歸不歸。  
期看已準。翠被眠難穩。生怕夜來寒。秋風江上船。歸

浪淘沙

席上有贈

寒細漏迢迢。好個良宵。絡珠腰鼓紫瓊簫。唱罷帶人嬌。一曲月銜花  
梢。倚醉索紅綃。何處魂銷。儂家妝閣水西橋。橋外柳陰通小徑。一  
道裙腰。

女冠子

粉澹螺輕。對鏡不施金鈿。臉波明。蓮蕊簪冠小。梅花繡幘青。  
朝眞  
開玉殿。拜月出瑤扃。還把來生願。祝雙星。

虞美人

催花休怨東風惡。花總年年落。留春無計奈春何。我自傷春心事比人多。嬌紅洗盡鶯聲少。簾罅寒猶峭。枝頭梅子欲黃時。又是釀愁天氣雨如絲。

夢橫塘

屬湖廿四堆。爲南宋葬宮人處。偶尋往跡。愴也成吟。

零花熨雨。澹柳描波。夕陽紅墮烟溼。禁得銷魂。只幾個粉奴來去。金縷餘香。珠簾春夢。杜鵑猶訴。似玉鉤斜畔。亂絮濛濛重到了。雷塘路。東風狂自多情鎖。吹得苔痕綠。徧平楚。可有羅裙。向月下珊瑚微步。流不盡深宮舊恨。嗚咽江聲夜深語。望斷君恩。但青青草色伴冬青一樹。

明月生南浦

雨後舟行。秋容婉媚。

小雨初收芳草徑。綠漲溪橋。紅漾斜陽影。兩兩沙鷗秋夢穩。蘋花香  
遠江波冷。山寺鐘聲風送近。何處清歌。烟外搖漁艇。新月欲來雲  
卷盡。歸鴉幾點川光暝。

虞美人

人間不信良宵有。燈暗眉峰皺。脂偏粉慙度華年。腸斷腮邊紅淚未  
曾乾。夢痕花月筠絲繞。誰禁人濃笑。夢中可奈話相思。也是淒淒  
楚楚別離時。

玉階草色青如帶。鞦韆印依稀在。薔薇架倚綠垣斜。卻似茜羅裙上折  
枝花。花梢風起輕寒逗。新月嬌于酒。下簾怕暗舊闌干。早又燈黃  
香瘦上更天。

點絳脣

由郭西返草堂。秋陰半開。湖色一碧。飛雨忽墮。花涼欲烟。叩



舷歌之。孤笛裊裊。若相和也。

鳴綠平溪。幾株疏柳。搖風縷。沙禽飛去。滿棹菱花雨。橋轉山迴。林密秋聲聚。人何處。樓依桐樹。一笛烟中語。

水龍吟

秋海棠用碧山韻

臙支薄暈。瓊腮晚妝。乍破秋孃睡。工愁善媚。嫣然態度。餘芳怎比。懶髓香寒。鴛簪粉澹。峭涼初試。儘風禁露怯。檀心一點。無人解。消魂意。應羨玉環沈醉。護春雲倩妝扶起。自憐悄影迴廊寂靜。閒庭如水。亂蟀聲悽。新蟾暈瘦。淺紅闌底。怕宵深雨滴真珠。流不盡相思淚。

應天長

嘶蟬徑改冰簾杳。梧葉滿階。誰爲掃。迴廊抱。人聲悄。一抹斜陽紅自照。倚闌風裊裊。愁更多于秋草。牆角海棠花。可憐開瘦了。

暗香

踏月獨歸。歌此破寂。

裙腰襯步。謝素娥伴我。循隄歸去。喚起睡鷗。欲與盟心不知處。誰把  
參差弄徹。渾欲和清歌菱渚。燈半露。花外溪樓。簾影澹秋語。涼色  
靜如許。更翦袖水風。逗人吟緒。蟲蟻未老。多情瓜架鎖相絮。行過橫  
橋仄徑。聽簌簌竹聲如雨。家近也。剛拾得一囊瘦句。

清平樂

三更時候。燈暗衾兒繡。月透瓊絲花影瘦。此際消魂知否。東風幾  
陣輕寒。溫香翠被重添。管取明朝風峭。囑郎休放歸船。

臺城路

庚申八月二十一日記事

綠牙屏畔紅鸚母。聲聲只將愁說。粉陣排鴛。釵圍簇燕。韻事頓成消

歇。銀泥畫箒。記題徧新詞。酥搓翠擷。醉擁如花。麗譙更鼓幾通徹。  
自憐花底夢蝶。一從驚醒後。夢也難覓。舊日蕭娘。楚腰減盡。忽地重  
逢愁絕。西風似咽。嘆象尺薰爐。伴人淒切。話到消魂。淚痕雙袖裊。

前調

秋江打槳。涼色可人。花步樓痕。綺年夢影。閒愁偶觸。不能無  
詞。

鏡波一雨新揩淨。斜陽瘦入蘋笛。淺翠涵鷗。疏風送雁。古柳澹拖涼  
色。陂塘畫楫。愛笑語雛鬟。瓜皮船窄。菱葉田田。倩花香小點秋碧。  
晴巒描出黛筆。晚雲妝點就。螺形如擲。一角紅樓。雙扉白板。寂寂半  
林斜日。樊孃舊宅。記索果分茶。綺朝羅夕。韶悵無人。鷺鷥當戶立。

南樓令

燈暈暗幢幢。西風透玉窗。甚秋來愁比更長。憶著小紅樓畔月。人未

睡。炙銀簧。官鬢戴花黃。假人笑語香。悵良宵一樣秋涼。漫說而今無好夢。便有夢也荒唐。

昭君怨

同孫彥清

德祖

鏡鬟樓作

簾外木樨香逗。簾內秋蘭花瘦。花底臉波明。按秦箏。莫把秦箏頻按。試聽麗譙更點。半臂峭寒侵。覺宵深。麝冷鴨鑪嬌睡。花墮鳳檠紅碎。粉月上紗窗。枕屏涼。薄醉暈霞雙臉。爲問情深情淺。匿笑倚薰籠。戰釵蟲。

相見歡

芙蓉江上人家。掩文紗。依舊一層秋水一層花。人何處。花無語。夕陽斜。卻羨征鴻飛得到天涯。

小梅花

戲效賀東山體

射雕手。吟詩瘦。勸君更盡一杯酒。奪錦袍。舞寶刀。喑鳴叱咤。亦足以自豪。人生識字憂患始。安能鬱鬱久居此。臥牛衣。泣路岐。讀萬卷書。不及屠沽兒。誰家子。樂忘死。是亦妄男耳。爛羊頭。關內侯。安用毛錐。行嘆復坐愁。人世難逢開口笑。天若有情天亦老。數擊鮮。酒如泉。拍手高歌。且盡今日歡。

齊天樂

蓬萊之麓。沈氏小園。爲外大父香巖先生吟息處。自詩人老去。漸就蕪矣。暮秋偶過。不禁慨然。譜此書亭壁。

一樽來覓寒林句。西風正吹僵蝶。烏宿塵簷。蛛懸茜戶。庭草青青如髮。闌欹檻折。賸篆石鋪烟。錦紋猶纈。半晌低徊。幾星涼蘚上秋屨。東鄰短笛誰摩。卻撩人感舊。無限淒咽。老輩風流。名園嘯傲。舊事長

髯能說。而今盡別。便柳漑花培。也成消歇。一樣斜陽。但蕭蕭落葉。

### 月下笛

壬戌之冬。避亂居松溪。鄰有善吹笛者。每漏深入。靜輒作數弄。其音淒厲。如哀湍瀉石。脫葉戛霜。寡鶴寒唳。枯猿悲嘯。時或風號雨泣。四望如墨。悄焉發響。又如荒俵孤啼。旅鬼宵泣。屋角老鴉。磔磔欲起。足使聞之者。浩然而嘆。愴然而悲。矧在患難。何以堪此。是夕寒蟾如雪。笛聲又作。遂成此解。

何處飛來。或徐或疾。哀音拖逗。更深時候。西風正送寒漏。非關一曲山陽感也。非怨玉門楊柳。儘嗚嗚咽咽。被他吹得。月痕都瘦。曾倩樊孃口。在小曲幽坊。玉龍低奏。漁陽鼓驟。良宵只有笳吼。者般淒斷。真無賴。剛惹我淚沾衫袖。知誰某。擷琅玕。不是纖纖素手。

### 念奴嬌

酬傅孝澤 作楫 見贈。用長公赤壁韻。

黃塵慘澹莽江山。何處舊時風物。十載江邊飛戰血。汗了東南半壁。  
狐社秋鳴。狼星夜動。一片刀如雪。義旂忽樹。風雲催起豪傑。知爾  
橐筆從戎。幕中草檄。鬱列雄詞發。我亦劍鋒秋水。拭磨得星文都滅。  
對酒空豪。請纓無路。霜染潘郎髮。蒼茫此意。知人惟有明月。

笙月詞卷之二

酒泉子

繡褥香籠。猶記謝家庭院。酒波黃。衫暈碧。燭花紅。  
鴻。留得畫闌干影。柳陰西。蓮葉北。桂堂東。  
簾竹風敲。金鴨小屏斜掩。漏沈沈。香細細。夢迢迢。  
宵。依舊粉塘新柳。柳邊花。花外月。月中簫。  
春歸無處問驚  
夢中無奈可憐

柳稍青

霞川舟中作

酒醒衫寒。寺鐘聲裏。一棹歸船。藕葉偎秋。荻花搖暝。雨細風尖。  
幾  
絲疏柳吟邊。渾不奈涼波暮烟。雲比愁濃。鷗如人瘦。漠漠江天。

臺城路



東皋

平橋殘雪陂塘外。斜陽也如人瘦。野曠烟橫。村孤水帶。啼徹樹頭鴉  
舅。青帘香逗。愛江店梅花。幾枝春繡。小火紅爐。有人閒絮瓦甌酒。  
溪山都是劫後。那堪重說起。離亂時候。萬疊戈船。千林劍樹。是處兩  
軍曾鬪。松濤響驟。聽猶似當年。怒笳聲吼。江影蒼茫。峭風吹斷柳。

減蘭

孤衾紅縵。一絲涼夢和秋瘦。夢少愁多。細數征鴻度玉河。 聲聲風  
葉。三更漏了。疏林月。月上簾紗。照見銅蟬雙朵花。

邁陂塘

夜檢舊篋。得丁仲泉 汝謙 學博去秋見寄詞。感次其韻。

記銜杯悲歌脫帽。九天飛下風雨。文章縱有昌黎筆。造化須知難補。  
年未暮。儘心血嘔乾。換得驚人句。呼天問取。問天既生才。如何無命。

天日莫非數。前番約。訪戴同移秋艣。畫溪遙認紅樹。約同訪秋伊於水石庄銀鉤賸有蠻牋在。愁唱梅邊琴趣。相爾汝。只夢裏重逢。踡臂同延佇。待澆綠醕。把一曲新詞。兩行痛淚。寄向九原去。

### 壺中天

雪後偕孫子九坡蔡季珪以瑞曹文孺壽銘登倚稼樓。

凌風雙槳。約酒人幾個。來看殘雪。花外高樓樓下水。水上迴嵐數摺。拂檻颿聲。撲簷波影。斜照明還滅。卷簾長嘯。紫裘吹起橫鐵。何處喚下飛仙。舉杯相屬。同把瑤牋拂。卻憶故人曾掃榻。汪韻珊曾假榻是樓。今歸道山矣。側帽閒吟清絕。我輩重登。湖山無恙。鷗鷺迎詩屨。水雲如夢。倚樓唱出寒月。

### 高陽臺

與彥清宿城西寓樓。風寒漏永。炯不成眠。彥清擁衾話舊事。

余亦得此詞。所謂卿言愁我始欲愁也。

背月邀愁。絮燈索夢。近來越覺銷魂。莫問仙山。五雲樓閣揚塵。年時  
一串珍珠淚。牘斑斑麝靶。猩痕。思難禁。枕畔鈿釵。掌上羅裙。吳綾  
重展。崔徽卷。尙鳳衫。漬粉。蛾黛含顰。脈脈無言。相逢花下開門。黃藤  
酒冷紅酥杏。便銜杯。有甚溫存。怕吹笙。庭院誰家。花影黃昏。

虞美人

內子憂貧頗甚。譜此贈之。並以狂言解之。

玉釵拋卻朱顏換。清絕梅花伴。羅紈典盡舊衣裳。牘得嫁時黃竹女  
兒箱。一燈風雪蘆簾下。幾度酸辛話。年來艱苦只卿知。不識今年  
鹽米怎支持。

詞華屈宋才班馬。是豈長貧者。他年富貴不相忘。我本三生蓬島舊  
仙郎。語卿且把眉頭解。況更春回快。梅花開過杏花開。報道東風

次第草堂來。

望江南

宣州爲江南勝區。蕪江尤繁麗。有小秦淮之稱。余舊游地也。兵火頻年。鴻印如夢。去冬退叟以長君抱疴。采藥宛陵。使回。述荒涼之狀。雨夜不寐。偶憶其言。倚聲譜之。

江南路。其奈亂離何。終日纔逢孤店小。長途惟見亂山多。寂寂少人過。

當時跡。一例變荒邱。蒼榭難尋梅氏宅。青山空憶謝家樓。落日古宣州。

村烟少。風瘦日淒淒。紫蟒曬鱗當道臥。黃狐銜骨逐人嬉。無處覓羈棲。

山邊路。薄暮斷人行。破戍風腥俵哭月。荒祠雨黑魅吹燈。此景幾曾

經。

寒烟泣。棘刺礙衣裳。茆舍黃欹新馬驛。蕙畦青覆舊箏堂。花月冷春江。  
江。江頭望。冷月不成丸。濁浪崩沙雙岸斷。破樓支雪一燈寒。亭閣盡成烟。

摸魚子

借退叟文孺峴子過小南塘館。晚宿馬幼眉。廣良鷗水堂。

悵連番瀟瀟愁雨。試燈過了佳序。朝來漸覺東風暖。吹得嶺雲如絮。芳草渡約小艇尋詩。十里橫塘路。斜楊未暮。愛牆角官梅。梅邊淺水。紅雪點眠鷺。還延佇。料理酒鎗茶具。嫩寒譜就新句。春波隔岸青山外。更有溪堂鷗侶。須小住。儘紫笋黃魚。翦燭簾深處。今宵休去。待粉月盈廊。明星帶屋。花影伴涼語。

虞美人

雨夜

冰簾搖碎銀燈影。簾外東風緊。銷魂只怨雨聲多。便是今宵無雨待如何。金尊未飲眉先縷。愁更濃于酒。峭涼時節釀花天。消受者般滋味已多年。

百字令

娛園月夜。有懷彥清西湖之游。

東風如水。把月痕洗得。十分明淨。一角園林如此好。何況西湖烟艇。澹柳樓臺。涼鷗世界。晝爾翩翩影。醉吹怒鐵。萬花宕破香暝。安得踡臂高寒。江山寂歷。同鼓尋詩興。解向瓊樓歌水調。我亦生平疏勝。散髮天風。舉頭碧落。孤鶴聞人警。湖心亭上。一尊呼墮冰鏡。

金縷曲

聽退叟話秦淮舊事

往事都縈抱。渺飛鴻幾多爪印。不堪重到。小閣丁簾桃花水。一片模糊烟草。休再問鈿蟬金鳥。惆悵冰窗燈暈裏。似淒涼白髮談天寶。街鼓咽。夜寒峭。俊游兩度吳舫小。儘消魂石城絲柳。故宮殘照。話到青溪笙歌夜。此老偏多風調。道佳麗雙眸曾飽。我欲尋春飛好夢。奈春風不似當時了。蟲切切。寸心悄。

減蘭

娛園四時詞秦秋伊

樹銛屬譜

娛園春早。簾外東風鶯啣曉。花影層層。紅到闌干第幾稜。迴廊前後。一帶粉牆烟鎖柳。芳徑泥新。燕子飛來不避人。

娛園長夏。一徑槐陰涼綠亞。冰簟疎簾。團扇風前蝶夢圓。棋聲庭院。斜日簷簷紅影亂。月挂林隈。卷幔荷香上枕來。

娛園秋好。開過木樨菱葉老。白白黃黃。紫竹花屏六曲香。分明畫稿。涼雨枯荷鷗點峭。石銚松風。小火新添落葉紅。娛園冬日。寒翠半尖亭一笠。何處香來。笛外梅花幾樹開。同雲漠漠。擘拙地爐紅小閣。微雪黃昏。知有扁舟乘興人。

金縷曲

歌者月孃。舊以色藝擅名。秋日重遇於湖上。秋孃老矣。宛轉蕉萃。殆不勝情。余亦感歡游之不再。慨華年之虛擲。羅隱白衣。雲英未嫁。畝畝相對。情見乎辭。

鶯老西風緊。卸秋帆。水西門巷。落鴻成陣。舊日花枝都瘦損。何況花邊人影。又何況多愁多病。道罷勝常重促坐。縱楊枝蕉萃猶堪認。料不是。夢中境。天涯蹤跡誰相問。悵年年。釵盟鈿約。都無憑準。老大飄零君莫怨。留得可人風韻。還勝我青衫薄命。十載名場仍落魄。漸



霜華上了安仁鬢。英雄淚。倩君盪。

極相思

背燈花。倚疏枝。依約楚腰支。十年前事。五更殘夢。一枕相思。卻憶  
香階行剗襪。良宵靜。沒個人知。玉甌開後。畫廊深處。明月圓時。

陂塘柳

花浦書悼

渺湖波。疏烟古柳。西風作去盡淒緊。赤闌橋畔。傷心路。依舊晚山眉  
暈。行漸近。怪小犬。籬根空。吠孤帆影。牆低螭粉。牘一樹斜陽。梅花如  
雪。猶照舊門徑。從頭省。幾度銀鷄呼醒。春嬌還帶紅印。荒園三尺  
芙蓉塚。贏得淚珠酸迸。癡心問。問錦鞮珠衫。可有重來信。黃昏人靜。  
料怯月香魂。霜簾倚徧。翠袖伴花冷。

臺城路

寓園弔祁忠敏公

溪流不盡孤臣恨。年年似聞嗚咽。荆棘駝眠。山川龍戰。想像悲歌當日。名園花石。自故國春歸。都無顏色。草草興亡。一聲山鳥暮雲裂。

清池照人自碧。老蛟寒不睡。猶墮珠泣。鶯館烟淒。梅坡月黑。

試鶯館梅坡俱園中

勝處可有精魂宵出。我來長揖。問誰薦黃蕉。荒祠落葉。百八蒲牢。峭涼秋寺夕。

湘月

由郭西至水石莊訪秋伊。月上始歸。

平鋪鷗漲。碾雲藍渲出。細岑浮巘。十里長干。渾畫幃。嬌殺夕陽紅閃。烟際漁榔。柳陰錫鼓。響徹東風軟。鳧香蔣嫩。陂塘新綠如翦。卽漸野氣含青。山痕凝紫。暝色蒼然遠。春樹四圍。詞客宅。容我水西門款。筠館傳燈。筍盤醉月。不放冰甌淺。夜涼人散。粉廊花影低轉。

點絳脣

之官長山。舟出郭西小泊。夕陽飛絮。烟波渺然。

一帶紅橋。酒旂飛絮垂楊郭。停帆小泊。惆悵成孤酌。烟水茫茫。江  
戍斜陽薄。東風作。桃花亂落。花外人吹角。

浪淘沙

穀水記事

流水送紅簫。更漏迢迢。花陰香鎖柳絲條。花底鶯聲花外月。如此良  
宵。一曲殢人嬌。泥醉銀蕉。江南休憶短長橋。無奈曉星殘角裏。獨  
上蘭橈。

虞美人

驛號雙溪。客停孤棹。雪泥偶印。花月可人。卽事言情。當令香  
口稚鶯。宛轉於遠山碧水間也。

茜羅裙映江波綠。愁譜參差玉。畫溪名字亦成雙。因恁者般年紀尙  
無郎。銀燈歌舫良宵午。誰是司勳杜。舵樓斜月一聲雞。驚起鴛鴦  
飛過驛門西。

貂裘換酒

荒署宵寒。獨影寡緒。憶儔昔之狂游。戀琴酒之近局。今雨舊  
雨。系我懷來。走筆譜此。爲諸子問。

酒滿春衫褶。記連翩五陵年少。人如驚蝶。黑月呼燈騎快馬。那管珊  
瑚鞭折。總走向綠楊橋側。百道春雷喧羯鼓。寶釵樓。醉拓黃金戟。此  
情狀。恍昨日。年來洗盡狂奴習。有梅花松朋竹友。歲寒盟結。繪雨  
雕烟。吾甚樂。吟得水雲都碧。更無奈催人啼鴉。卻恨飢來驅我去。爲  
微官。一例成離別。君須念。薄游客。

踏莎美人

月夜

燈閃蟲紗。風攙鳳笛。黃昏月映迴廊碧。十年前事費尋思。正是櫻桃  
花底乍來時。闌角青鞋。苔窠紅屐。天涯何處將愁覓。雪獨撼動畫  
簾垂。聽作珊珊鉤抓響玉釵兒。

邁陂塘

魚步阻風。時七月八夕。

甚空江聽風聽水。客中淒斷禁盡。幾行新雁沙汀外。來報天涯涼信。  
人聲靜。只碧葦烟中絮語秋蟲緊。漁家門徑。羨占得尊鄉。都無人妬。  
鷗鷺伴眠醒。波如鏡。漸覺羅雲揭淨。月梭挂上松頂。花甌酒椀船  
頭坐。自信生平疎俊。銀河近。料今夕雙星。一度添離恨。客懷孤另。儘  
野笛催吟。橋燈逗夢。香露沁詩影。

前調

小雨初過。出湧金門至隄上。嫩烟拖碧。微波翦涼。頽陽在林。  
箏舫漸集。衫痕釵影。俱入畫中。

灑漁衫涼珠數點。湖雲片片收盡。蕙烟熨作吟牋碧。飛上催詩香韻。  
歌欲靜。趁一縷溪風。柳外禽聲緊。斜陽滿徑。又繡舫移來。冰絲細裊。  
秋淺藕花醒。天涵鏡。芳涇晚波措淨。蝶痕涼墮花頂。粉闌金犢人  
微醉。爭說者番游俊。黃昏近。悵釵玉聲遙。一晌添閒恨。船孤笛另。賸  
幾杵疏鐘。半輪小月。月底翠鴛影。

疏影

經松木場。尋白石老仙讀書處。遂至孤山巢居閣。玩石刻小  
像。卽依其自度腔詠梅韻。

丰裁似玉。想閒雲不定。野鶴同宿。花外詩瓢。鷗外吟筇。狂歌按徹橫  
竹。烟波何處當時跡。尙隱約石函橋北。儘魚榔敲墮斜陽。不醒吟魂

幽獨。留得孤山山畔。畫圖一片石。蒼蘚凝綠。詞客衣冠。野客鬚眉  
寂寂。水邊林屋。翠禽啼上苔枝也。又恰似小紅新曲。把一尊細酌梅  
花。掬取春風橫幅。

浣溪紗

綺女寄近詞。頗婉麗有致。喜依其韻。

怯葉娟莎一院幽。曉痕都向卷中收。玉羅牋紙小銀鈎。知汝開簾  
呼阿妹。冰文簾底對梳頭。黃花無語伴吟秋。

桂枝香

偕李蕤客慈銘登梅山。遂至廣覺寺謁梅尉象。

涼波瑟瑟。愛渡口山光。渲就叢碧。幾疊白雲似畫。翠烟如織。疎林何  
處前朝寺。映清溪紺垣蘿冪。桂花香裏。西風裊裊。鐘聲飛出。問往  
昔遺踪誰覓。有一掬寒泉。深護闌石。仙尉衣冠。千古高風堪挹。夕陽

黃葉祠堂樹。尙依稀漢苑秋色。蒼茫古殿。佛燈上也。空山人寂。

上江紅

十月十四夜作

小舫迎來。風悄悄黃昏人寂。分明記晚妝重試。鈿蟬金蝶。翠袖珠燈。  
梳子酒。銀屏粉月梅花笛。把麝塵添玉。絲篝羅幃側。猩帕怨。蘭襟  
泣。鴛翼夢。鴻泥雪。算消魂情事。鸚哥能說。指印紅銷笙葉瘦。唾痕春  
澹茸衫碧。更麗譙寒角訴當年。人離別。

前調

贈吳門舊眷同彥清

衆裏相逢。正簾卷梅花如雪。渾卻似歸來燕子。舊曾相識。翠鬢全拋。  
金縷鳳。素裙不畫銀泥蝶。只低頭一笑。尙依然玫瑰靨。悵轉眼三  
年別。愁千萬。心如結。把雁行箏柱。殷勤重拂。江上離情楊柳雨。星前



密誓鴛鴦月。待黃昏燈灺沒人時。從頭說。

霜天曉角

窗紙如銀。是霜痕月痕。容易曉風起也。又庭葉下紛紛。昏。被池寒不溫。不信人間好夢。都付與玉樓人。

殘燈紅欲

笙月詞卷之二

海棠春

衍波詞閨情四闋。當時和者如林。陳其年疊韻至再。然已成別調矣。偶閱迦陵集。因依韻和之。

玉犀觸動菱籤響。弄曉暈花移冰網。香露沁芙蓉。閨中以木芙蓉花浸水拭鬢。最香潤。雲影和嬌漾。眉峰畫就遙山樣。算除卻個人誰賞。插了顫蘭釵。春暖銀屏敞。

右曉妝

研羅紅壓金猊足。還懶理銀箏新曲。不解藕絲裙。側臥桃花褥。翠甌粉嫩湘蓮肉。鈿榻畔擊來小玉。驚醒卻迴眸。錯怪敲簾竹。

右午睡

含嬌斜背銀窗影。怕鸚鵡雕籠睡醒。悄地注蘭湯。紅漾紗巾冷。圓  
冰窗外明于鏡。掩寶裊雲鬟重整。茉莉透衣香。多事薰宮餅。

右晚浴

瘦花屏影涼如雨。把麝顆搗殘香杵。無睡倚熏籠。紅悄秋燈語。夢  
魂難逐征船去。重記起開帆打鼓。手弄玉搔頭。白似檀郎塵。

右夜坐

八寶妝

玉簪花次彥清韻同陶紫珍

方琦

昨夜霓裳徵法曲。月殿舞倦寒簧。髻雲鬆了。飛溜一捻脂香。碧玉闌  
千秋淺淺。粉痕嬌碾。鈿頭涼。細端詳。海棠睡起。剛助新妝。記得水  
精簾卷。儘纖纖摘得挑並蟲梁。約鬢瓊酥。花底誰鏤鴛鴦。瑤階依舊  
如水。愛露點珍珠宵漏長。休敲損。早荔牆低處。悄立薇郎。

探春

湖樓秋感

欸月廊虛。闌風幄篔。更深睡魔何處。一種離懷。十年舊事。此際秋心誰訴。況幾分病體。又添上幾分淒楚。無端併作去銷魂。那更露螢聲絮。空記那回共語。宵靜也涼心。朱樓。猶理簫譜。翠檻呼鸚。玉河聽雁。依舊幾通街鼓。簾影重重護。只少了燈前花步。夢也難成。說甚五雲深阻。

大江東去

題彥清寄龔詞卽送北上。

蛤蜊斗酒。向雪窗燒燭。讀君長調。恰值梅邊吹笛罷。飛上凍雲香峭。前度鶯聲。去年人面。此意憑誰曉。江南烟柳。杜郎消受多少。更上水畔高樓。銅絃拉雜。浪湧魚龍覺。極目江鄉春到也。不及鳳城花好。

衣上東風。馬頭明月。隨爾長安道。紅牙倩按。佳人自古燕趙。

永遇樂

北郭玉帶橋。是往年官軍率蕃部攻粵寇處。

禿樹平橋。蒼茫岸幘。暮色千里。螺髮蠻裝。狼機飄火。曾此屯千騎。陣雲如墨。怒雷飛破。報道將軍戰死。徧江頭濤崩霧卷。血花射得天紫。而今放眼。烟沙莽莽。猶繞鷗邊殘壘。壞岸斷戈。寒流墮戟。應化蛟龍戲。西風野廟。蒲牢百八。險把英魂喚起。低徊處斜陽紅黯。亂鴉聲裏。

淒涼犯

王菽畦 慶勳 觀察往主越權。曾駐軍城西。屢有文酒之會。及

余自婺州歸。觀察已攝守睦州。不數月。且歸道山矣。秋日重過其地。泫然有作。

依依官柳。渾不似胡牀吹笛時候。江邊故壘。寒花無主。夕陽依舊。那堪迴首。但畫角戍樓遙奏。似當日營門笳鼓。紅旆斷霞逗。追念從游處。小隊郊垆。青山詩酒。而今已矣。賸歸來疲驢人瘦。蕭瑟秋風。是客散孟嘗門後。算西州慟哭。千載此還又。

### 揚州慢

水郭西邊。河橋東畔。向來歌舞樓臺。爲蠡城最盛處。今皆鞠爲茂草矣。偶尋舊徑。愴然成詞。

笙玉排雲。歌珠溜月。東風十里桃花。記春衫殢酒。是花底人家。自軍鼓江南動後。燈樓釵館。都付啼鴉。賸青青芳草。烟痕猶似簾紗。麗華散盡。儘飄零鬢霧衫霞。便紅豆深情。青梅舊約。休問琵琶。我亦傷春杜牧。歡場夢易觸天涯。悵夕陽無語。高城催起悲笳。

### 憶秦娥

戊辰二月二十夕。夢出游得詞。醒僅憶前後結語。因仿佛夢中景狀。足成之。

東風作。春寒料峭。春陰薄。春陰薄。酒旂微雨。杏花城郭。高樓午夢。鶯啼覺。垂垂一帶紅文幕。紅文幕。依稀聽得幾聲釵索。

蝶戀花

夜雨

已是春歸留不住。起了東風。又下淒涼雨。一點涼燈紅不語。瀟瀟只怨芭蕉絮。長記江南曾聽處。楊柳樓頭。題徧消魂句。枕冷香殘眠未許。曉鶯啼過簾櫳去。

翦湘雲

富春舟中作

沙柳烟欹。灘蘆雪卷。儘颯颯東風。吹得人遠。如此江山圖畫裏。不信

離愁猶縮。問眠鷗斜日幾歸船。趁尊鄉涼淺。笑我行李匆匆。病懷黯黯也欲擘詩牋。無奈吟倦。一葉浪花翔舞處。禁得青衫秋軟。怪天邊新雁又飛來。只聲聲淒斷。

### 貂裘換酒

序曰。蕭然客懷。悲哉秋氣。撫念流序。追思盛年。五花選騎。千金裝劍。恣劉毅之博。呼輒成盧。逐景宗之麀。鼻常出火。時而聚花列坐。飛觴屬客。擡袖搗鼓。倒羅謳詩。阮飲呼豬。夫狂罵坐。茗芋拍張。側目天地。其或聆箏堂之秋拍。貰旂亭之春酒。紅衫發響。羣伎輟聲。黃河畫壁。殊麗流唱。鱗襲結侶。蟬連邀歡。銖愁黍慮。不挂眉宇。然乃黃金易盡。青春不再。羅囊一炬。有悟太傅之譏。鐵障十重。甚慚真長之誚。遂乃湔被夙染。敦理秀業。執博士之經。逐胄子之隊。十年下帷。五次勒帛。蠹鑽



不出。猿窮斯啼。加以侵歲頻仍。劇寇告亂。西枝茅舍。琴書都非。南山豆苗。遷徙莫種。貧瘁困阨。忽忽中年。謝公絲竹之感。欲寫未能。向平婚嫁之累。催人更迫。頭顱如許。意氣全消。回首前塵。歛若夢影。今者一官如寄。百事輸人。徒餐安邑之肝。獨語寒山之石。況乎寂歷羈棲。沈寥天宇。風瀏瀏兮催冷。葉撼撼以嘯愁。青山亂疊。何處鄉關。白雲孤飛。有懷親舍。萬端交集。五夜成吟。虎落關門。安覓紅兒之笛。龍泉知我。卽當王郎之歌。

鹿鹿嗤餘子。憶當時少年狂態。目窮天地。袴褶黃皮騎駿馬。橫槊呼人而擬。有辟易千夫意氣。吐取牛心還痛飲。踞胡牀笑掣吳鉤。睨身世事。幾曾計。青春轉瞬。中年矣。怎匆匆狗屠散盡。馬曹輕試。書劍天涯仍濩落。贏得鬢絲如此。總只爲飢寒驅使。竟欲短衣看射虎。向

藍田鎮逐將軍李。挹雙袖。浩歌起。

一笑推書起。笑年年。身如脈望。眞成失計。熟讀離騷能飲酒。名士如斯而已。更說甚文章才地。不見子昂詩百軸。動長安待擊胡琴碎。人間事。總如戲。歡場當日身曾廁。徧新詞玉鵝屏上。畫鸞扇裏。十載揚州狂杜牧。那識清愁滋味。怎又被儒冠牽繫。多少五陵裘馬客。問幾人曾用毛錐子。腐儒耳。劇堪恥。

孤館涼如水。起舞向荒雞黑月。仰天而視。世上錢神工作橫。去吾輩只堪如此。拚日飲亡何而已。散帶科頭人詎識。是杜陵蕭育眞男子。何處話。此生志。登高放眼窮千里。算何限秋風笳吹。青山車騎。舊日酒徒都不賤。鶴氅神仙意氣。只遺我冷曹身寄。但得城南田二頃。便著書終老林泉裏。誰更作出門計。

歷盡窮愁味。累慈親清貧苦耐。十年過矣。襤被天涯吾敢怨。爭奈謀

生非易。無分向金門索米。漫說毛生今捧檄。者微官薄俸。休提起。總一例。冷如水。蕭蕭黃葉。森秋氣。望家山。亂峰缺處。暮雲堆裏。想得白頭燈下坐。商略艱難家計。又苦憶西風行李。藥省蘭臺都不願。願板輿長向花前戲。天許否。此衷意。

減蘭

鏡湖詞答朱調梅

元鼎 學博

鏡湖春色。簞水揉藍。山影碧。水面樓臺。樓外桃花處處開。亂鶯芳草。數徧踏青鞵印小。紫笛紅絃。楊柳陰中看畫船。

鏡湖長夏。高閣臨風。簾影亞。小雨初收。綠樹陰濃翠欲流。迴塘繚繞。少婦揀茶歸去早。水鳥偏馴。雙宿荷邊不避人。

鏡湖秋好。鴈影涵波。風裊裊。禿柳橋西。幾處青山卓酒旂。閒尋僧院。蓼岸蘆灣吟欲徧。鐘磬聲催。一艇黃花送客回。

鏡湖冬日。臨水人家新釀碧。收了魚租。野局家家約酒徒。黃蘆古岸。羃歷同雲連水面。筠笠風前。微雪梅花出郭船。

### 探春慢

西鄰梅花如十七八女郎登牆窺人。一宵甚雨。芳姿減矣。

粉簇鴛鈿。香團蝶翅。漸覺絮雲烘暖。翠鳥嬌啼。玉龍低奏。猶記舊家庭院。甚亂山孤館也。一面牆頭窺見。昨宵雨太無情。瓊姿瘦了一半。可是。不勝清怨。對寂莫閒階。酒闌人散。斜月濛濛。輕煙裊裊。莫問含章春苑。伴撈嚴燈火。悄無語。縞衣淺澹。只怕朝來東風。吹落如霰。

### 大江東去

夜聞灘聲甚壯。雜以疾風橫雨。窗戶岌岌。疑身駕海濤矣。聲來何處。似雷霆千百。與龍鏖戰。踏浪馮夷搥大鼓。激得黃河倒卷。萬馬秋騰。六軍夜擊。猛勢排天漢。靈胥怒發。素旂飛越遙巘。正是

漏永虛堂。天陰月黑。簾罅寒如箭。側耳擁襟還兀坐。青殺豆燈涼顫。虎吼狂風。鰲掀惡雨。更訝乾坤變。錯疑海上。驚濤來濺人面。

邁陂塘

寓廬種鳳仙畝許。四月花已盛。牆角紫薇一樹亦怒放。豈深山氣候自殊耶。詞以賞之。

愛吾廬。熟梅雨過。涼莎一片雲淨。玲瓏金鳳開偏早。徧了幾弓吟徑。斜還整。又串串珠霞。碧玉枝相映。午眠乍醒。儘紫閃屏腰。紅拖琴尾。人在萬花頂。闌干迴。剛是綠槐陰靜。峭風吹出秋靚。綃衣綽約飛瓊隊。著個仙郎清影。誰乘興。只蝶往蜂來。狂得踪無定。斜陽未暝。怕炙損嬌姿。玉壺待噴。銀綆汲涼井。

慶清朝

秋日過秋伊水石庄。晚至東皋宿漚水堂與幼眉夜話。

高竹捎樓。密菱繞屋。敲門驚起幽禽。維摩小病。藥船聲在花陰。愛倚  
隱囊趺坐。木樨禪榻。晝惜惜。疏簾裊。一房秋影。澹入屏心。放塵夕  
陽欲墮。更蘆邊蓼外。取次幽尋。吟窗小啓。棋韻飛落烟罽。約得閒鷗  
伴侶。一燈涼雨話更深。虛堂靜。西風江戍。遙鼓沈沈。

金縷曲

席上遇歌者陳郎

莫話霓裳舞。嘆匆匆。幾番離合。便成遲暮。最憶江村同避地。坐盡一  
燈風雨。聽怒角吼聲如虎。勞燕東西渾不定。更相逢。兩度芙蓉渡。從  
此別。雁魚阻。者番花月良宵午。倚瓊枝。依稀猶認年時風度。憐我  
一官仍落魄。愁絕青袍聽鼓。只添得鬢絲無數。玉貌何哉。今亦老。問  
當場可有鶯鶯妬。疇昔感。共君訴。

虞美人

西冷小寓。單影寡歡。宵角呼愁。秋燈炙夢。倚聲自遣。安得雙鬢唱也。

匡牀睡起吟衫縐。燈小紅于豆。海棠陰裏絮秋蟲。報道夜涼江館又西風。麗譙角語雲邊裊。漏永人聲悄。瀟瀟一陣雨初收。早見半痕斜月上簾鉤。

如此江山

登吳山大觀臺

碧天雨過纖雲掃。西風引人清興。綠玉閒攜。白羅倒著。來看江城烟景。登臨還省。有細棧苔肥。古臺石冷。放眼遙空。夕陽一鴈寫紅影。橫柯容我小凭。怕松根龍子。兩兩驚醒。紫彩峰巒。金銀宮闕。身在碧芙蓉頂。魚鱗萬井。映拍岸波光。函開涼鏡。何處譙門角聲墮秋暝。

浪淘沙

紅橋感舊

楊柳短長條。風雨蕭蕭。別時花片點春潮。容易江天秋葉影。飛上蘭橈。何處玉人簫。夢也迢迢。含情纔過第三橋。還見澹紅樓一角。斜倚林梢。

摸魚兒

秋夜由東皋至北郭。涼波貼月。輕颺曳烟。景狀清絕。因得一解。

渺湖烟水香十里。蘋花蘋葉無數。流雲剛吐彎彎月。照見一條花路。輕移艣。聽蓼泝蘆碕。不盡涼蛩訴。孤亭荒戍。問何處僧歸。半肩經擔。柳下等秋渡。宵欲午。黃葉前村寺古。蒲牢幾杵飛度。誰家臨水柴門小。門外搗衣聲苦。風如縷。又嚶嚶吹來。燈影紅樓語。波明欲素。儘露氣侵人。酒醒衫薄。準擬采芳杜。



望江南

娛園雜詠。秋伊索和。

梅花屋。小檻點蒼苔。吹笛未須紅袖倚。卷簾剛喜翠禽歸。詩句暗香催。

右疏香林屋

幽居靜。徑轉竹籬邊。小屋當花門似月。曲闌臨水柳如烟。人對鷺鷥眠。

右潭水山房

荷陰裏。疑坐陸家船。疏竹秀于詞客句。高花紅過酒人肩。此處最如仙。

右藕船

書堂邃。深柳鎖雲隈。香鼎翠縈麋綠几。花廊春護牡丹臺。開徑幾人

來。

右還讀書堂

松龕窄。窗外綠雲多。夜雨菰蒲吟石帚。秋風環珮伴維摩。一榻自婆娑。

右蓮北詩龕

樓如畫。一角俯溪灣。竹裏琴聲涼月檻。花梢簾影夕陽山。人共白雲閒。

右微雲樓



# 笙月詞卷之四

阮郎歸

弄風嫩柳翠絲柔。一番酥雨收。春波綠到柳西樓。有人樓上愁。凝  
眼望思悠悠。夕陽何處舟。銷魂不及水中鷗。雙飛古渡頭。

壺中天慢

八月十六夜彥清置酒虎林旅邸。招同人飲。並呼雛伶侑觴。  
索譜是解。

曲瓊高卷早林梢。湧出一輪冰鏡。小院涼花嬌欲語。寫入畫屏燈影。  
大好良宵。如斯佳會。更喜閒街靜。吳雛翦髮。玉箏彈得秋醒。正是  
桂子飛香。羣仙試羽舞大羅天迥。醉裏不須催半臂。玉宇本來清冷。  
綺舌調鶯。繡牙拍蝶。城鼓休頻聽。綠衫小史。麝塵添上金鼎。

解語花

虎林旅次有贈

初三月子開簾。剛見一彎眉淺。脈脈新愁。憑仗西風吹散。芙蓉燈影。衫痕瘦。掩映燈前人面。儘貪他笑語。拚教閒了。行行等雁。問年華。三五。明曠青鬢。羞殺尋常鶯燕。隔屋簫聲。應是不勝清怨。尊前漫觸。飄零恨。我亦天涯蓬轉。算人生有幾。江樓此夕。花深香軟。

念奴嬌

題譚仲脩 廷獻 復堂詞

瑤笙檀板一聲聲。拍得萬花齊笑。又作九天鸞鳳響。愁殺蘇門清嘯。如此江山。多情烟柳。都入新吟稿。十年湖海。問君有幾同調。我是斫地王郎。吳雲越樹。恨不相逢早。畫舫明湖腰玉笛。與約酒尊同倒。鷗鷺秋眠。魚龍夜偃。躡臂天風峭。振衣高唱。通仙飛下瓊島。

金縷曲

西泠客舍。遇會稽馬虞颺。

傳庚

虞颺與余同歲補博士弟子。

南北奔走。不見二十年矣。翦燭夜窗。共傷老大。感成此解。卽送其赴大梁。

雙鬢絲如許。認當時烏巾白袷。翩翩俊侶。幾度南船兼北馬。已是廿年羈旅。應聽盡天涯風雨。難得相逢明月夜。正蕭蕭落木寒鴉語。是客舍。倚裝處。江峰同詠湘靈句。還記否繡旂簫鼓。花邊來去。鮎竹功名成底用。趲得青春遲暮。更休問庾郎詞賦。纔向西窗重翦燭。怎匆匆又指梁園路。問何日。話心素。

渡江雲

晚自西陵歸。江風催雨。寒波瑟然。槳枝帆葉。行烟墨空濛中。光景殊絕。

波痕含雨氣。碎鷗零雁。幾點暮烟中。山容渾不辨。但聽鐘聲。飛出柏  
林東。老顛畫意。漸江天一片溟濛。孤艇小。白頭浪起。愁趁滿帆風。  
陰濃。殘蘆城郭。禿樹樓臺。處處寒雲擁。想此際深屏煖幙。早上燈紅。  
平橋過了柴門近。恰瀟瀟珠顆敲篷。篷窗外。一雙驚起鳧翁。

一萼紅

正月十五日。放棹江行。晴雪欲消。春冰乍解。小艤陶里畫橋。  
夕陽出雲。高與樹等。漁舸叢岸。挈鱗行沽。江鄉風味。正復可  
念。聞西庄燈市頗盛。歸途迂棹往觀。笙歌花月。極靡麗之致。  
雲水光中。綺羅叢裏。一日乃兼歷之。因記之以詞。

乍陰晴。放琉璃小舫。跛脚溯江程。雪外山青。風前樹綠。眠波幾處橋  
平。漸消盡。輕烟漠漠。愛斜陽村落倚雲坪。茅舍人家。梅花魚市。鷗鷺  
相迎。小艤長年催發道。水西歌吹。占斷江城。璧月樓臺。春星燈火。

恰見舞袖輕盈。更多少衣雲酒霧。木蘭舟。銀燭按秦箏。莫問黃雞唱未。纔近三更。

虞美人

仲脩自都門寄示井福軒不寐有懷二解。纏綿婉篤。讀之銷魂。孤旅傷春。綺懷悵觸。倚聲和之。亦各寄所感耳。

絲楊深鎖鶯聲細。門巷悵悵地。東風何處柘枝船。只有玉簫聲咽晚涼天。銷魂又是黃昏也。燈影鑪薰惹。綠陰簾外雨如潮。可奈夢魂飛不到紅橋。

冰窗開了還重閉。影事從頭記。春山幾朵冶于花。依約綠楊西畔那人家。銀籠欲覓鸚哥語。前度花誰主。海棠瘦得不禁紅。愁殺夜來猛雨曉來風。

賣花聲



題梅花帳額

清絕不知寒。別樣嬋娟。依稀綺夢憶當年。縞袂銷魂人去後。斜月如烟。瘦影最生憐。相伴逋仙。銀燈紙帳夜綿綿。莫遣枝頭啼翠羽。喚醒春眠。

菩薩蠻

羅幃午夢鶯呼起。起來還是恹恹地。夢好更難尋。天涯芳草深。博山烟斷續。簾外春陰綠。風動小銀鈎。楊花飛上樓。

摸魚子

綠陰

綠濛濛乳鳩聲裏。輕陰一片香淨。番番花信都吹過。消息石榴誰問。藤蕪徑。又煙外斜陽。作意催春暝。眠鶯喚醒。只脩笛人家。小樓如畫。約略澹紅影。還迴省。猶記房櫳人靜。江南暗雨曾聽。簾波卷起涼

如水。飛上來羅衫。倩重呼茗。正銀葉鑪添篆。鼻閒庭迴。一春酒病。悵  
遮斷天涯。年年芳草。依舊碧雲冷。

陌上花

銀鸚語澀。被伊誤了幾番芳信。纔趁斜陽。步到曲闌紅盡。玉甌花下  
冰窗小。只隔一層紗暈。正麝籤香裏晚妝初試。畫蘭宮鬢。把鴛文  
小合。殷勤偷付。多少盟脂證粉。爲報天涯。早又杜鵑啼緊。重來倘遂  
三生約。須記杜郎疏俊。便相逢。已是綠成陰後。此心雙印。

浣溪紗

舟過東皋。得盆花數種。載月夜歸。

閣閣溪田噪晚蛙。疏疏江柳帶棲雅。柳邊燈影正撈鰕。十里軟風  
眉子月。半艙香雪女郎花。夜船吹笛返山家。

鎖窗寒

秋雨洗春。晚寒猶峭。譜此自遣。

暗綠房櫺。朝來不定寒輕。寒淺。羅衣未贖。差喜薄棉堪戀。儘飄零。桐  
花半庭。風風雨雨成秋苑。算浴蠶過後。花邊軟語。更無鶯燕。難遣  
黃昏院。只屏暈簾聲。銅荷紅顫。玉釵卸了。空記倚奩人倦。最銷魂。衾  
涼枕涼。夢回紙帳溫香欠。聽芭蕉猶是瀟瀟。譜作清商怨。

洞仙歌

題復堂羣芳小集序曰。無雙妙品。人疑玉樹之花。第一情天。  
春滿金臺之柳。紅氍貼地。串串珠歌。藍靶當筵。娥娥粉笑。固  
已詠仙童於嶺上。無煩誇趙女於樓頭矣。加以生小聰明。心  
原藕比。隨身宛轉。骨是花栽。銀鸚之綺舌。偏調。翠鳳之香牋  
解答。綠蠻窄袖。二年藏豆蔻之詞。碧暈纖眉。隔坐送芙蓉之  
語。愛風流之小史。洵婉孌之宜人。則有鳳城仙客。燕市寓公。

來從西子之湖。解作東風之主。於是分曹貰酒。排日邀歡。烏  
巾屢側。人來柘枝之臺。金絡頻嘶。馬識櫻桃之巷。梅花笛裏。  
紅豆含情。蓮子杯前。黃河賭唱。朝呼鶯而夕呼燕。卿憐我而  
我憐卿。厥有記事之篇。遂續燕蘭之譜。麝飛寶墨。題徧春風。  
玉界烏絲。鐫來小字。瑤館之丰姿如畫。瓊葩之品藻都真。是  
可謂花月平章。亦參狐筆。芳蘭聲價。倍長龍門者矣。僕也乾  
螢自守。縮馬不前。自燕戒香。已斷摩登之夢。何來綺障。別生  
兜率之天。對么鳳於卷中。念靈狸於花底。珊珊欲出。絮絮安  
禁。三疊紅牙。不是鶯啼之序。幾時青眼。來尋蝶路之春。

櫻桃窗下。展瑤編一讀。款款飛紅滿吟屋。儘如花年紀。似燕身材。都  
寫入小字。烏闌詩幅。鳳城楊柳暗。鈿約釵期。懶聽春風杜鵑曲。嬌  
月照幽坊。簾影燈痕。想吹罷一雙笙玉。把綺瘦羅肥細評量。問脩到

梅花。幾生香福。

春寒料峭。是落英時候。客裏閒情鎖。拖逗。奈花邊金犢。柳下銀驄。早  
又是惜別啼痕盈袖。臨岐珍重話。如此銷魂。愁病書生怎禁受。無  
處覓平原。買得香絲。算只有粉郎堪繡。又手擘檀牋。賦新詩。似畫出  
玲瓏。東風紅豆。

翩翩驚蝶。正江南烟柳。依約箏堂羽衣奏。記銀羅索扇。紅燭題詩。曾  
悄語六曲乳鵝屏後。鬢絲今老矣。綺夢依依。撩破禪心十年久。把  
卷更沈吟。才調如君。想姓氏尙提香口。且細摩鈿簫。爲君歌。須識我  
三生紅衫曇首。

賣花聲

題任邱校書寄所知詞後

香瘦髻雅欹。帶眼頻移。別來心事落花知。指玉掄殘全不準。過了鶯

期。無賴病愁欺。藥店龍飛。翠箱摺損縷金衣。一紙相思千點淚。殘夢依依。

### 沁園春

題任渭長

熊

醉鍾葵圖同女壻胡梅臣

元鼎

爲問先生。斗酒何人。相邀醉鄉。想遮須嫁妹。筵分綺鳳。終南較獵。血飲黃麇。鬼眼腥堆。支頭紅閃。銀燭模糊對劍光。頽然也。儘華胥一覺。那待蒲觴。笑他袍笏郎。當似吏部當年臥玉缸。幸柳船風駛。窮魔早送。花村日麗。路鬼潛藏。有漏稱仙。垂眉學佛。任汝逍遙好夢長。新筠熟。把烏紗破帽。漉酒何妨。

### 金縷曲

關秋芙瑛。錢唐蔣霽卿坦室也。工倚聲。嘗偕藹卿游湖山間。一船書畫。簾影衣香。如神仙中人。余嘗一再遇之。藹卿以所

著息影廬詩及秋芙夢影詞見貽。既而羽警日迫。靄卿孤身  
羈越中。落魄蕉萃。人亦無援之者。千里淪胥。音耗遂杳。亂後  
訪之。則夫婦俱死矣。兩集皆失之。聞其板亦付劫火。偶於仲  
脩齋頭見夢影詞。輒假歸重讀一過。不禁慨然。爲題二解。

烟瘦蘋衫熨。記閒攜城東一棹。峭涼時節。秋水荷花橫塘路。花裏畫  
船如月。聽一縷冰絃清越。認是明湖疎俊客。載娉婷。不是閒桃葉。神  
仙侶。未華髮。相逢我亦鷗盟結。倩樵青竹根吹火。同傾香雪。鬢霧  
衣雲湘簾影。依約玉牋親疊。料敲得新聲纔帖。恰對遙峰眉暈澹。展  
顰痕也。羨雙飛翼。此身世。嶠壺埒。

無奈飄零苦。悵重逢翩翩風貌。已非前度。一自江關烽烟起。兩載軍  
聲如虎。便寂莫庾郎詞賦。幾度逢人頻問訊。道烏巾紅袖俱黃土。無  
處覓。亂山墓。銀燈雙影良宵午。怪秋風。霎時吹作。花淒月楚。碧玉

香詞朱樓夢。一例劫灰分付。又誰料殘牋猶護。惆悵夕陽挑片畔。卷湘簾重展烏絲譜。當日事。感而訴。

### 琵琶仙

秋日偕仲脩、張子虞預、潘儀父鴻、王玉唐維翰，晚出湧金門。斜陽欲墮。游人散矣。小步隄上。遂成是解。

殘炤平蕪。弄涼色渡口。一株官柳。愁絕天賦蛾眉。秋來總消瘦。問往日斑驩何處。只幾點晚雅拖逗。十里蘋香。西風乍起。湖水吹縐。聽誰慣碎笛零歌。記花影銀笙那時候。欲把一襟羈思。付湖亭樽酒。怕上了重城魚鑰早。嗚嗚戍角遙奏。惆悵花外高樓。燈紅如豆。

### 高陽臺

蜻蛚子亦蟋蟀類。而狀絕細。其聲幽遠可聽。武林貨郎製玻璃爲小鏡箱。蓄其中。爲閨閣清玩。戲詠一解。



月洞冰絨。雲窩雪護。香函巧製玲瓏。悄影憐伊。愁心印到芙蓉。玉臺  
一寸藏嬌屋。肯容他銀麝塵封。掩疎籠。妬殺絲孃。黃竹西風。  
亦有編竹作小籠黃  
聲聲譜出清商曲。正簌衣鎖碧。燭暈凝紅。小雇玻璃。是誰觸  
響釵蟲。偎香還伴雙文枕。裊涼簫淺夢惺忪。卻愁儂。照見殘宵。粉褪  
花慵。

鵲踏枝翻

偕施均父

補華

夜過方谷園。有懷董仁甫

慎言。

柳影閒街。笛波飛起。是誰調按龜茲徹。曾記涼蟬聲中步履。相尋老  
屋疏燈漏黃葉。茂陵人病已經年。藥爐小火香初發。今日重過。黃  
壚淒咽。疎林依舊涼烟織。猶認故人無恙。蒼苔仄徑。來蹴花如雪。西  
風門巷夜烏啼。秋陰掩了濛濛月。

鬲溪梅令

爲玉唐題梅花仕女

綠鋪如水掩疏寮。漏迢迢。長記玉梅花底玉人簫。暗香和麝飄。畫  
中人近夢中遙。一般嬌。依約舊時明月在花梢。峭寒雙翠翹。

望湘人

歲云暮矣。風雪阻歸。單影空樓。凍鴉對話。譜此東朱慕庵

炳文

怪多情風雪。作去盡清寒。峭帆生被留住。寂寂高樓。孤吟無緒。挨過  
黃昏幾度。簾底瑤花。燈前玉樹。墜歡難補。怕夢魂飛徧樓臺。迷卻調  
笙庭戶。我是年年羈旅。早孤眠慣了。歸期任誤。只綠萼枝邊。遮斷  
么禽來路。金尊密約。翠牋芳訊。愁絕冷雲。凍沍悄無語。一片江城。隱  
隱幾通更鼓。

珍珠簾

偕仲修飲娛園。遲瑤卿不至。

綠波影裏閒庭宇。約詞仙來共評琴商句。占得好簾櫳。在梅花多處。松綠一壺香四坐。更不辨是誰賓主。休去。便醉倒金尊。倩花扶住。如此俊賞佳辰。稱畫屏題罷。清歌分付。日暮碧天雲。悵玉簫聲阻。一曲春江清淺水。問可有青禽飛度。休誤。待娟月幽坊。墜歡重補。

前調

贈瑤卿

綠梅粉月深深院。盼青禽還記闌干憑徧。不分驀相逢。正黃昏寒淺。紅豆燈前人似玉。論標格謝家曾見。風顫。怕尙怯簾聲。薄羅香倩。恰稱促坐分茶。忍將伊。一例較鶯量燕。天賦與瓊姿。惜風塵飄轉。算我青衫仍落魄。也同是一般悽斷。春倦。任吹笛樓臺。揚花撩亂。

蝶戀花

水香庵餞春。同仲修作。

禪閣茶香烟縷縷。一陣東風。一陣桃花雨。芳草簾前深幾許。碧痕都  
向眉峰聚。燕子歸來天又暮。有約尋春。無計留春住。惆悵斜陽鈿  
笛語。畫屏幾點天涯樹。



# 笙月詞卷之五

## 還京樂

甘劍侯孝廉

元煥

春江歸櫂圖

峭帆外。滾滾江聲。舊恨餘流水。向斜陽指點。艸樹荒亭。煙花殘壘。問  
飛來燕子。烏衣門巷。應還記。算只有古岸斷柳。猶留眉意。天涯情  
味。儘年年軍鼓如雷。六代鶯花。都在愁裏。夜深空寄鄉心。趁寒潮歸  
來千里。喜今番正故國東風。短篷真繫。一片青山影。爲君淨拭螺髻。

## 壺中天慢

王子獻孝廉

繼香

鑑湖醉月圖

畫船吹簫趁良宵。搖過平橋楊柳。七百年來人闋宋。重繼南湖詩酒。  
花影籠衫。蘋香吹鬢。湖水微風皺。清光如雪。老蟾飛下銅斗。遙想

皓露無聲。沙禽時格磔。相伴吟瘦。玉宇瓊樓天萬里。可有仙人招手。  
醉舞翩躚。浩歌激蕩。欲和霓裳奏。他年秋汎。錦袍後約休負。

浪淘沙

水香庵

碧水翦明霞。酒暈些些。疏鐘聲裏燕歸家。不信春風催夢破。春又天涯。  
樓外暮煙遮。幾處城笳。輕寒側側透簾紗。早是一痕眉子月。吹上桃花。

望海潮

潘東湖師

玉濬 觀潮圖

雲連吳越。山分龕赭。大江日夜東流。怪縵奔騰。神鼉怒吼。狂風倒捲。  
滄洲何處著閒漚。儘冰花影裏。一晌凝眸。如此江山。可能洗盡古今愁。  
乘風幾度登樓。歎濤聲滾滾。身世悠悠。塵土溷人。魚龍笑我。長

歌斫斷吳鉤。蹤迹感萍浮。願酒尊共把。酌向潮頭。更逐成連去也。一曲海天秋。

### 如此江山

陳蘭鄰先生歸舫載書圖。文孫星邨參軍。樹杓屬題。

縹囊萬軸吟艫穩。江風正催鄉思。雙櫂蘋蘊。全家梅鶴。長物如斯而已。先生歸矣。道清俸年年。買來非易。休笑官貧。輕裝剛抵柳花細。

紅鐙官閣校字。東陽頭白叟。舊事猶記。先生尹會稽得古本最多。皆沈氏遺經堂爲之搜輯。前輩風流。

祖庭衣盃。聞道蘭枝能繼。奇書有味。想理譜家傳。碧芸香裏。無恙稽山。待君重叱騎。

### 鎖窗寒

同麋月樓主依玉田均

亂葉敲愁。涼花倚瘦。畫闌慵凭。空樓病起。寂寞一簾秋影。傍熏篝吳



棉乍添。問誰解憶天涯冷。只銷魂。刀尺西風。一樣帶圍寬盡。煙潤  
花邊徑。儘落迷筍屐。雨淹茶鼎。征鴻過。也不帶玉璫音信。說歸期歸  
又未成。碧雲莫寒空自等。卻憐他。鸚母無言。雕籠棲正穩。

雨霖鈴

銀裙金扇。怪伊因恁撇得人遠。支頤爛拂。塵鏡生憎。不是當時嬌面。  
短夢前宵。憶一霎錦幄香輦。正滿地黃月玲瓏。淺笑輕顰杏花院。  
殘妝羞向堂前見。杳難尋。舊識西飛燕。東隣又聞新嫁。更同誰較釵  
評鈿。獨抱雲和欲理。香弦無柰清怨。只瘦蝶飛上簾鉤。尚把人留戀。

翠樓吟

陳黻堂秀才羅浮夢景圖

鬢影朦朧。衫痕淺澹。相逢月明宵午。梅花開徧也。正春在更無人處。  
玉簫如縷。蕩月魄花魂。都成香霧。瑤林路。怪他唬起綠衣仙羽。迴

湖袖薄天寒。自翠尊夢醒。暗雲深阻。疏櫳銀燭外。何許覓綺痕前度。  
畫屏分付。只一寸橫波。似將情訴。離懷苦。無言紅萼。東風誰主。

尉遲杯

水西舟中書感。依片玉均。

橋邊路。悵幾日禿盡丹楓樹。翦波一舸。西風又到長隄迴處。高樓不見。但滿目寒雲暗前浦。有沙禽未穩孤眠。背人煙外飛去。因思往日繁華。曾多少金驄翠轂相聚。繡幕沈沈。夫容影。都化作浪花翔舞。休更問銀簧夜月。只蕭瑟殘蘆對客語。盼何人來共清愁。空江還少滄侶。

探春令

折蠟梅一枝。貯以銅餅。風致可念。

銅餅紙帳劇清寒。是藏嬌深處。愛粉黃娟。蝶團香翅。綴上瑤釵膩。

倩魂漫向江南去。被東風留住。小金鈿拈冷纖纖。任畫蠟彈紅淚。

菩薩蠻 以下五首題仕女册子

蓮葉西頭。叢蘆映碧。丫髻女郎蕩舟出其中。

玉塘秋淺。菰蘆碧。蘆中人蕩舟如月。船外蕩花風。花開別樣紅。 十  
三丫髻小。生就聰明早。采得並頭枝。芳心也自知。

更漏子

新月一眉。梧桐依檻。一女郎對燭坐。鋪牋於几。若將構思。侍  
女旁立。一手攏鬢。一手牽女郎衣似呼之者。

宵正涼。人遠去。欲寫鳳牋愁句。梧桐月。又初三。風吹秋滿衫。 相思  
味。纏絲意。那管墮釵聲賦。笑小婢忒嬌憨。呼人掠鬢煙。

巫山一段雲

梅林微雪。美人素裳猩髦。執花立其下。

雪瘦憐香澹。花明愛粉稠。玉奴纖手最風流。花底小紅兜。寒沁銀  
鬕窄。嬌含翠黛羞。一枝欲贈更無由。留與伴清愁。

杏園芳

兩女郎采花盈籃。並坐茂林。若共語者。一小婢隔樹竊聽。  
采花剛趁春晴。越羅衫袂風迎。相逢姊妹玉娉婷。忒多情。蘭閨密  
事知心語。評量只是輕輕。侍兒無賴隔花聽。欠分明。

鬢雲鬆令

勺藥叢中。美人枕手眠石上。一侍女側立視之。若呼而未醒  
者。

鬢雲鬆。羅帶裏。春困朦朧。繡局多拋了。滿地綠落人迹少。夢倩花嬌。  
花外東風小。蜨情癡。鸞語悄。一片行雲。何處尋芳艸。無端小婢催  
人早。絮語春寒。禁得單衣峭。

二郎神

鐙夕感舊

新晴湖市。尚依約春鐙初試。乍璧月當空雲斂盡。笙歌攤兩行珠翠。十里芳塵人如織。更隊隊鷺鷥游戲。畫鬢小。多應未覺暗落金鈿花底。空記如今。不見年時羅綺。賸隔浦高樓殘燭影。飄珠箔水光縈曳。可柰東風天又雨。問何處參差語細。只數盡嚴更疊鼓。宵寒重城深閉。

洞仙歌

春波倚櫂。正湖天濃暖。艸色平隄語鶯亂。畫橋邊一帶簾影參差。風起也。點點楊花飛滿。雅鬟剛縮罷。花底房櫳。手整瑤釵記相見。流水送斜陽。芳信沈沈。只雙燕飛回庭院。問油壁香車甚時來。早畫角城頭。幾聲清怨。

減蘭

自題秋舫填詞圖

平湖秋霽。一箔玻璃收不起。老柳西風。點點歸雅落鏡中。閒吟秀句。權轉橫塘前面去。漁篴飛來。一路蘋花雪樣開。

柁樓人起。潑眼雲光連水氣。谿樹秋濃。才綴霜華已半紅。茶煙颺碧。自把冰甌花外滌。幾陣風尖。秃葉蕭蕭入短簾。

煙隨波去。回首清谿樓外樹。山影娟娟。淺埽眉痕送客船。秋容最

好。野岸黃英金鈿小。一曲花洲。紅蓼香中宿粉漚。

朝朝莫莫。每到秋來長問渡。征雁天邊。伴我清愁又十年。新詞自

寫。欠個小紅簾影下。獨把瑤笙。吹與靈妃月下聽。

徵招

蔣鹿潭 春霖 水雲樓詞。續讀之。悽婉欲絕。其集中本事。使人

言愁欲愁。酸鼻微吟。遂成此解。

星河澹月秋鴻夜。嗚嗚洞簫吹起。故國又新霜。悵羈人千里。吟豪重  
料理。判付與怨紅顰翠。脈脈吳波。依依楚夢。斷魂情味。抱得鈿箏  
篋。蕭孌老。青春十年彈指。江北望江南。柰飄零如此。湘纍千古恨。但  
一片際天煙水。西風淚。尙未銷磨。是玉箋珠字。

桂枝香

菱

涼煙馥馥。正秋滿畫塘。一片凝綠。幾日波心。落盡素花鈿簇。雙雙小  
角。燕支瘦透西風峭。香齊蠹。翠鬟歸也。蘭橈繫處。兜上羈幅。漫更  
羨雞頭嫩肉。愛箇箇堆槃。芳暈初熟。似春鉤嬌樣。研綾紅束。尊前  
欲倩吳孌剝。怕尖尖還刺纖玉。水鄉秋好。隔谿又聽玲瓏歌曲。

望江南

甲戌重九。偕勉鈕同客吳興。孤篷坐雨。觸緒成愁。因憶往年  
此日。清游俊賞。有足紀者。

樓。重陽節。記得客宣州。四坐黃花清弋酒。一峰落葉敬亭秋。高詠謝公

山。重陽節。客舫過嚴灘。獨上西臺看落日。疏花無語照谿寒。尊酒醉青

西。重陽節。羈宦浦陽時。屋外秋陰山更瘦。谿南夜雨蟹初肥。攜酒亂峰

低。重陽節。高會憶曹谿。古壁青苔縈醉墨。白雲黃葉點秋衣。翹首碧天

王。重陽節。穀水記飛觴。畫舫銀箏催酒綠。玉釵秋鬢壓花黃。低唱小秦



重陽節。幾度上吳山。小話吟禪來茗閣。閒尋羽客敏雲關。人在翠微  
閒。

重陽節。結伴上虞峰。雲合蒼龍潛古洞。日斜青鳥返瑤宮。長嘯倚西  
風。

重陽節。今日客吳興。莫雨人吹煙浦箏。夜船風颭柁樓鐙。津鼓聽分  
明。

齊天樂

題孫彥清春絮詞

玉簫聲裏津亭柳。東風吹出眉樣。流水深情。橫塘別夢。舊事那堪追  
想。青衫無恙。問何處金尊。韋孃低唱。付與銷魂。江花隨處滯蘭漿。  
高樓誰共俊賞。有歌絲縷縷。胸際輕蕩。京國芳塵。梁園明月。一例都  
成惆悵。紅飛翠颺。只留得新詞玉羅牋上。回首天涯。亂山雲莽莽。

長亭怨慢

舟中見飛絮依白石均

又飛徧濛濛亂絮。卻傍誰家小簾低戶。野水荒雲。離情脈脈。柰何許。  
簃聲吹起。渾不隔津頭樹。心事問流紅。怎一例飄零如此。日莫想  
長亭艸色。送過馬蹏無數。天涯渺矣。縱欲託柔情難付。但一片如夢  
東風。怕芳影迷離無主。算解道輕憐。還有鶯歌金縷。

念奴嬌

杭州城東庾園玉玲瓏石。是宋花石綱物。

玉螺寒竦。問何時萬里。飛來蓬島。可是吳剛修月斧。琢就夫容青峭。  
翠剔苔皴。金鐫字瘦。歷過興亡早。冷煙如夢。四圍秋葉風掃。堪歎  
花石名綱。年年星使。催得朝廷小。卻贖孤峯雲一朵。曾有黃標封到。  
泥馬江山。銅駝宮闕。又幾番殘照。煙銷艮岳。問誰來弔荒艸。

一枝春

早梅依艸窗均

一翦東風羅浮路。又動探花情緒。么禽小小。喚起綠華無語。翠釵鈿  
朵。早嬌逗綺窗深處。芳意淺偏近瑤臺。綰得煥雲先聚。妝成玉奴  
眉嫵。愛紅幃半卷。輕聞香縷。雕闌笑倚。乍試玉龍新譜。胡沙春遠。料  
應把漢宮人妒。還只怕纖萼苞含。不禁夜雨。

齊天樂

題岑希白荔舫詞遺藁

翠波冷寫秋江。篴。悽音半墮荒澌。伴月湘吟。扶花楚夢。都化煙絲風  
縷。瑤天碧宇。問歸去。通眉玉虬何處。卻聽雙鬟。酒邊猶唱斷腸句。  
憐余十年倦旅。采雲偏易散。往日吟侶。故國青山。春風白袷。無奈相  
逢遲莫。烏絲小譜。儘碎恨零愁。絳壇分付。涼暈幢幢。雁聲鐙外度。

綺寮怨

鈿閣鐙孤。愁聽麗譙長短更。倚翠幌。慣忍寒宵。秋蟾影印到中庭。迢迢銀河似夢紅牆隔。杳了雙玉笙。只素天幾片羅雲。西風緊。冷墮悽雁聲。慢憶水程陸程。尋消問息。天涯遠比瑤京。錦字挑成。有多少淚花縈。冰機自憐辛苦。問甚處寄深情。空房暗驚。獨兒又撼動金雁箏。

蝶戀花

樓外斜陽紅悄悄。埋怨東風。吹綠長亭艸。珍重一聲人去了。天涯只隔珠簾小。江北江南花落早。幾箇黃昏。禁得春寒峭。鏡裏眉痕須更掃。夢中萬一人雙笑。

細響丁丁催玉漏。誰把愁痕。堆上雙蛾岫。一樣離情如中酒。不曾知道新來瘦。倦倚熏篝籠翠袖。待展羅衾。怕解夫容扣。悄對釵花還

坐久無端又是三更後。

賀新郎

春感

春色渾無主。不分明如煙如霧。惱人情緒。小院東風歌筵歇。只有流鶯聲絮。又浪蝶驕蜂來去。翡翠簾攏昏似夢。任楊花亂逐榆錢舞。問芳事。怎如許。重門深掩櫻桃雨。儘朝朝傷離病酒。流光暗度。玉洞雲迷青禽杳。縱有相思誰訴。但說與雕籠鸚鵡。春淺春深都不管。待玲瓏明月臨窗戶。應識我。舊眉嫵。

齊天樂

寒鐙

一痕青逗冰窗小。梅花正當深處。翠鴨香銷。銀蟾雪墮。相對那堪情緒。尖風如縷。但纖影幢幢。伴人無語。六曲屏山。夜深冷照半牀絮。

空閨更憐幽女。玉鍼渾懶試。挑盡蘭炬。瘦不成花。寒還有暈。禁得銷魂如許。遙聲暗度。問人坐長更。誰家機杼。拚得留他到雅嗁送曙。

前調

寒柝

麗譙催疊黃昏鼓。江鄉又傳更早。裊裊長街。條條古巷。踏徧層冰衰艸。宵寒路悄。卻驚起眠厖。吠聲如豹。短燭籠鐙。一星移過畫橋小。高樓有人睡覺。攤衾還側耳。無奈愁抱。叫月音孤。尋雲夢破。已是三更過了。簾風料峭。更相和商鐘。枕邊飛繞。數盡寒籌。一聲聲到曉。

高陽臺

許邁孫增娛園落成。極水竹之勝。秋來蓺菊六百本。遴其品之上者。陳於座隅。置八尺玻璃屏。轉側相映。金粉晃漾。奇觀也。

粉疊樓臺。金鋪世界。好春無此清妍。嵌就玻璃。屏風窈窕。雲連。迷離  
不辨秋多少。一層層。月地花天。晚來寒。料峭西風。莫卷珠簾。金尊  
大好良宵共。稱幾行畫蠟。紅淚珠圓。小院沈沈。任他冷偏霜檐。鏡中  
人覓花中句。倩玲瓏譜出冰弦。羨詞仙。綺夢圍香。淺醉閒眠。

憶舊游

又重城疊鼓。水閣橫燈。如此清宵。試認攜尊處。但鬧花一片。綠過塘  
坳。吟窗碧紗都掩。人隔玉河遙。早過了黃昏。無言粉月。曬到花腰。  
魂銷漫重省。聽一曲伊涼。按斷冰簫。覺得更深也。漸水風卷葉。吹作  
去蕭騷。便有絲兒秋意。涼味透輕綃。乍驚醒鷓鴣。漁榔響起。花外橋。

減蘭

不寐

酒醒燈暗。一桁冰簾猶自卷。幾點秋星。遙聽銀河雁度聲。迴廊小

步。瑟瑟微寒宵欲午。花影參差。正是中庭月滿時。

### 齊天樂

李黼堂中丞桓孤山訪梅圖

峭峰微雪疏林外。尋香展來幽步。徑小藏雲。亭孤倚石。報道梅花無數。逋仙何處。問如此瑤姿。是誰爲主。多謝東風。吹來一簃伴花語。翩翩翠禽低舞。料他來往。慣海上瓊嶼。玉洞搴芝。丹厓刻蘚。應認風標前度。先生曾游天台雁蕩諸勝。落枝選取。便催得吟仙。抱香歸去。竹外平橋。鏡波還點絮。

### 金縷曲

往歲與仲修、松谿、藍洲、子虞、諸子同客戴園。極一時文燕之樂。自諸子服官四方。闐寂久矣。今年子虞自都門歸。聚首未久。又有鄂中之行。知己各天。鬢絲如此。哀樂之感。往來於中。



譜此索子虞和。兼懷仲修諸子。

數盡江城鼓。記良朋聯牀共話。高樓月午。話到生平悲歌起。拔劍翩  
躚而舞。便肝膽也堪傾吐。轉瞬天風吹客散。向金臺齊騁麒麟步。山  
共水。自茲阻。繡帆官舫湘江路。乍相逢。惓惓又是送君南浦。鈴閣  
笙歌開筵處。卻稱樊川風度。只老我飄零如故。坐盡深宵孤燭影。聽  
江潮東下聲如虎。身世感。向誰訴。

高陽臺

和邁孫意雲詞

吹鬢風纖。窺簾月細。依依都到愁邊。秋心何處。新鴻又度遙天。香階  
一自人行後。杳難尋。墮翠零鈿。最堪憐。幾朵秋英不語含煙。夢中  
欲覓相思路。怕天涯艸色。極目緜緜。爲道清狂。而今不似當年。冰匳  
牘有菱花影。照韋郎華髮新添。伴無眠。一點鐙涼。一片螢寒。

